

**TSAB NTAWV TXIB (XAJ) NTAWM FEEM TSWJ XYUAS TXOJ CAI
NAB NPAWB 20-22
PHAB NTAWV 1**

**TSAB NTAWV TXIB (XAJ) NTAWM FEEM TSWJ XYUAS TXOJ CAI
NAB NPAWB 20-22**

**TSO CAI ROV UA COV KEV KHO MOB UAS TSI S YOG YAM KUB
CEEV UAS YOG SIV COV KHOOM NTIAG TUG TIV THAIV, THIAB
MUAJ COV KEV TXWV MUS NTXIV RAU KEV TUAJ SAIB NEEG MOB
THAUM LUB SIJ HAWM TUS KAB MOB CORONAVIRUS (COVID-19)
KIS NTUAV DAV HEEV**

Thaum lub Peb Hlis Ntuj 8, 2020, kuv tau tshaj tawm txog qhov xwm txheej kub ntxhov ceev raws li txoj cai ORS 401.165 et seq. lawm vim qhov muaj kev txaus ntshai txog kev noj qab haus huv rau pej xeem sawv daws los ntawm tus kab mob sib kis tshiab coronavirus (COVID-19).

Thaum lub Peb Hlis Ntuj 12, 2020, Kuv tau sau Tsab Ntawv Txib (Xaj) Ntawm Feem Tswj Xyuas Txoj Cai Nab Npawb 20-05, txwv thoob plaws rau hauv lub xeev tsis pub npaj cov koob tsheej uas yuav muaj neeg tuaj sib ntsib txog 250 leej los sis ntau dua. Kuv kuj tau tshaj tawm txog kev kaw cov tsev kawm ntawv K-12 thoob plaws rau hauv Oregon, txij thaum lub Peb Hlis Ntuj 16, 2020, mus txog rau lub Peb Hlis Ntuj 31, 2020.

Thaum lub Peb Hlis Ntuj 13, 2020, Tus Thawj Kav Teb Chaws Mes Kas tau tshaj tawm txog kev sib kis ntawm tus kab mob COVID-19 yog ib qho xwm txheej kub ntxhov ceev rau hauv lub teb chaws lawm.

Thaum lub Peb Hlis Ntuj 16, 2020, Lub Tsev Hauj Lwm Saib Xyuas Tib Neeg (Department of Human Services) tau tsim cov cai tiv thaiv tshiab txhawm rau kev txwv cov neeg tuaj saib hauv cov chaw saib xyuas mob nkeeg mus ntev thiab lwm cov chaw nyob. Lub chaw Oregon Health Authority tau coj cov cai zoo sib xws no los siv rau ntawm Oregon State Hospital thiab lwm cov chaw saib xyuas mob nkeeg, thiab tau txwv tsis pub nkag mus rau hauv Oregon State Hospital. Cov Chaw Kaw Neeg Hauv Oregon (Oregon Department of Corrections) yeej tau ccua tsis pub txhua tus neeg tuaj saib nkag mus tau rau hauv cov tsev kaw neeg hauv lub xeev lawm.

Thaum lub Peb Hlis Ntuj 17, 2020, Kuv tau txwv tsis pub neeg tuaj sib ntsib ua ke coob tshaj 25 leej, txwv tsis pub noj mov thiab haus dej haus cawv rau ntawm tej chaw thoob plaws huv lub xeev, thiab muab sij hawm kaw tsev kawm ntawv kom mus txog rau thaum lub Plaub Hlis 28, 2020. Kuv kuj tau hais rau txhua cov chaw ua lag luam uas tsis pw nyob rau cov kev txwv no kom ua raws li cov cai nyob kom sib nrug deb.

**TSAB NTAWV TXIB (XAJ) NTAWM FEEM TSWJ XYUAS TXOJ CAI
NAB NPAWB 20-22
PHAB NTAWV 2**

Thaum lub Peb Hlis Ntuj 18, 2020, kuv tau hais kom ncuu tsis txhob qhia ntawv tim ntsej tim muag rau ntawm cov tsev kawm ntawv qeb siab kom mus txog rau thaum lub Plaub Hlis Ntuj 28, 2020.

Thaum lub Peb Hlis Ntuj 19, 2020, kuv tau tawm Tsab Ntawv Txib (Xaj) Ntawm Feem Tswj Xyuas Txoj Cai nqaa hu thiab hais kom txuag cov khoom siv tiv thaiv ntiag tug thiab cov txaj hauv tsev kho mob, ncuu qee cov kev kho mob uas tsis yog yam kub ceev, thiab txwv kev tuaj mus saib neeg mob hauv cov chaw kho mob.

Thaum lub Peb Hlis Ntuj 22, 2020, kuv tau tsim ib txoj cai los pab ncuu them cov nqi vaj tsev mus ib ntus rau cov neeg uas yuav raug ntiab tawm hauv lawv lub tsev vim tsis tau them nqi, txwv tsis pub feem siv txoj cai los lis hauj lwm, ua hauj lwm, los sis sau ntawv ceeb toom, sau ntawv txib los sis sau ntawv tso tseg thim khiab tsev nyo rau cov neeg uas yuav raug ntiab tawm vim tsis tau them nqi.

Thaum lub Peb Hlis Ntuj 23, 2020, kuv tau hais rau cov neeg nyob hauv Oregon kom “Nyob Twj Ywm Rau Hauv Tsev, Cawm Tau Txoj Sia,” hais kom cov neeg nyob twj ywm rau hauv tsev ntau li ntau tau, tau hais kom kaw qee cov khw muag khoom tshwj xeeb, siv cov cai nyob sib nrug deb rau thaum mus rau ntawm lwm cov chaw muaj tswv ntiag tug thiab tej chaw uas pej xeeb sawd daws mus, thiab yuav tsum siv cov cai no rau ntawm tej chaw nyob sab nrauv zoov thiab cov chaw muaj ntaub ntawv tso cai zov me nyuam.

Thaum lub Plaub Hlis Ntuj 1, 2020, kuv tau tshaj tawm daim ntawv ncuu kev them nqi vaj tse mus ib ntus txhawm rau pab txo kev raug ntiab tawm hauv lub chaw nyob thiab tsis yog chaw nyob thiab kev rau lub txim vim tsis tau them nqi khiab tsev nyob, yuav pab ua kom cov neeg tuaj yeem nyob hauv lawv lub tsev tau raws li siab xav, thiab muab kev saib xyuas tseem ceeb rau sawv daws tau rau thaum lub sij hawm muaj xwm txhej kub ntshov ceev no.

Thaum lub Plaub Hlis Ntuj 8, 2020, kuv tau tshaj tawm txog kev kaw tsev kawm ntawv thiab ncuu kev qhia ntawv tim ntsej tim muag rau ntawm cov tsev kawm ntawv qib siab kom mus tag lub sij hawm kawm ntawv thiab lub xyoo kawm tam sim no.

Thaum lub Plaub Hlis Ntuj 15, 2020, kuv tau tshaj tawm kom siv qee yam tseem ceeb txhawm rau los mus ua kom muaj kev kaj huv hauv tsoom neeg cov kev sib ntsib thiab pab rau cov kev khiav hauj lwm mus ntxiv los ntawm tsoom fwm hauv cov zej zos thaum lub sij hawm tus kab mob COVID-19 kis nthuav dav heev.

Tus kab mob COVID-19 ua rau muaj tus mob ua pa nyuaj cuam tshuam ua rau muaj mob loj los sis tuag tau. Lub koom haum World Health Organization txiav txim tias tus kab mob COVID-19 yog ib tug kab mob sib kis thoob plaws tau rau

**TSAB NTAWV TXIB (XAJ) NTAWM FEEM TSWJ XYUAS TXOJ CAI
NAB NPAWB 20-22
PHAB NTAWV 3**

hauv ntiag teb. Tus kab mob COVID-19 sib kis los ntawm ib tug neeg rau ib tug neeg thaum hnoos, txham, nyob sib ze, xws li chwv ib yam khoom uas muaj tus kab mob vais lav tsuas rau, thiab dhau ntawd ces chwv mus rau koj lub qhov ncauj, qhov ntswg, los sis qhov muag.

Cov kws saib xyuas kev noj qab haus huv rau pej xeeb ntawm lub xeev thiab hauv ib cheeb tsam qhia tias tus kab mob vais lav no tab tom sib kis rau hauv lub zos thiab xav tias yuav muaj neeg sib kis tus mob ntau ntxiv. Los txog hnuv no, muaj tsawg kawg 2,354 tus neeg mo thiab 92 tus neeg tuag nyob hauv Oregon, uas muaj ntau tshaj tawm 50,000 thoob plaws lub teb chaws. Vim qhov tus kab mob COVID-19 no yuav rov tshwm sim tuaj tau yog tsis ceev cov kev tiv thaiv kom nyob li qub, peb yuav tsum npaj txhij hauv peb txoj kev kho mob, thaum peb npaj yuav txo cov kev txwv kom xoob lub sij hawm dhau mus.

Qhov hais kom sawv daws nyob sib nrug deb, qhov hais kom “Nyob Twj Ywm Hauv Tsev, Cawm Tau Txoj Sia”, thiab lwm yam tseem ceeb uas tau hais los saum toj saud tau pab rau qhov sib kis tus kab mob COVID-19 hauv Oregon mus qeeb. Txoj kev tso tseg txhua cov hauj lwm xaiv ua tau thiab cov tsis yog yam kub ceev uas siv ntiag tug cov cuab yeej tiv thaiv (personal protective equipment, PPE), xws li daim npog ntsej muag thiab cov ris tsho hnav kho mob, yog qhov tseem ceeb yuav tau ua kom muaj cov khoom PPE txaus nyob ntawm tes los mus kho cov neeg mob COVID-19. Ib qho ntxiv, txwv txhua yam uas tsis tseem ceeb kom tsawg kev tuaj saib neeg mob nyob rau ntawm cov tsev kho mob thiab lwm cov chaw saib xyuas mob nkeeg, thiab kev kuaj txhua tus neeg tuaj saib, yog ib qho tau ua dhau los thiab yuav tau ua mus ntxiv los tiv thaiv cov kws saib xyuas mob nkeeg thiab cov neeg mob los ntawm qhov yuav raug tau tus kab mob COVID-19.

Txawm lub Xeev thiab cov chaw kho mob tau muaj kev nce qib rau ntawm qhov muaj chaw txaus hauv tsev kho mob thiab cov khoom siv PPE rau sawv daws los, qhov tsis muaj txaus hauv lub teb chaws kuj tseem yog ib qho txaus txhawj. Oregon nyob rau ntawm qhov uas yuav maj mam pib cov hauj lwm xaiv ua tau thiab cov tsis yog yam kub ceev, tsuav yog cov hauj lwm no muab ua mus kom tau raws li Oregon Health Authority cov lus qhia, uas yog ua kom paub tseeb tias muaj kev kaj huv rau tus kab mob COVID-19 thiab npaj txhij kom muaj chaw txaus hauv tsev kho mob thiab muaj cov khoom siv PPE txaus.

**YOG LI NTAWD TAM SIM NO THIAJ TAU SAU DAIM NTAWV TSHAJ
TAWM KOM UA RAW S TIAS:**

Rov Ua Qee Cov Hauj Lwm Uas Xaiv Ua Tau thiab Cov Tsis Yog Yam Kub Ceev
Mus Ntxiv

**TSAB NTAWV TXIB (XAJ) NTAWM FEEM TSWJ XYUAS TXOJ CAI
NAB NPAWB 20-22
PHAB NTAWV 4**

1. Ua raws li ORS 433.441(3)(a), (b), (d) thiab (f), ORS 401.168(1), thiab ORS 401.188(1)–(3):
 - a. Cov hauj lwm Uas Xaiv Ua Tau thiab Cov Tsis Yog Yam Kub Ceev thoob plaws txhia qhov chaw uas siv cov khoom siv PPE, muaj xws li tab sis kuj tsis yog tas rau, cov tsev kho mob, cov chaw phais mob tas tsis pw, cov chaw kuaj mob tsis pw (xws li cov chaw kuaj mob hauv zej zos thiab cov chaw kuaj mob rau tub ntxhais kawm ntawv), chaw kho hniav, thiab chaw kho mob rau tsiaj yuav tsum tsis muaj tshwm sim tshwj tsis yog lawv ua tau raws li cov cai nyob rau ntawm nqe lus (paragraph) 1(b) ntawm Tsab Ntawv Txib (Xaj) Ntawm Feem Tswj Xyuas Txoj Cai no.
 - b. Nyob rau thaum los yog tom qab lub Tsib Hlis Tim 1, 2020, cov hauj lwm uas xaiv ua tau thiab cov tsis yog yam kub ceev nyob thoob plaws txhia qhov chaw uas siv cov khoom siv PPE yuav tso cai rau ua tau, tsuav yog lawv ua tau raws li cov lus taw qhia los yog cov cai tswj uas ua tuaj ntawm Oregon Health Authority.
 - c. Oregon Health Authority yuav tsum ua tawm cov lus taw qhia siv rau cov hauj lwm uas tau tso cai los ntawm nqe lus (paragraph) 1(b) ntawm Tsab Ntawv Txib (Xaj) Ntawm Feem Tswj Xyuas Txoj Cai no tsis pub dhau lub Tsib Hlis Tim 1, 2020, thiab yuav rov kho cov lus tau qhia ntawd tau, thaum pom tias yuav tau ua. Cov lus taw qhia no yuav muab tso rau ntawm <https://govstatus.egov.com/OR-OHA-COVID-19>.
 - d. Thaum tsim thiab ua tawm cov lus taw qhia raws li nqe lus (paragraph) 1 ntawm Tsab Ntawv Txib (Xaj) Ntawm Feem Tswj Xyuas Txoj Cai no, Oregon Health Authority yuav xav txog cov tswv yim uas tau tsim muaj los ntawm Medical Advisory Panel.
2. Yeej tsis muaj ib nqe lus twg nyob hauv Tsab Ntawv Txib (Xaj) Ntawm Feem Tswj Xyuas Txoj Cai no uas txwv tsis pub siv PPE rau kev tshuaj ntsuam xyuas tus kab mob thiab kev kho tus kab mob COVID-19 rau cov neeg mob.

Kev Txwv Tsis Pub Tuaj Saib rau kis Tsis tseem ceeb

3. Yuav ua kom mus raws txoj cai ORS 433.441(3)(a), (b), (d) thiab (f), ORS 401.175(1), ORS 401.168(1), thiab ORS 401.188(2), Kuv tso cai rau Oregon Health Authority los muab cov lus qhia, uas tej thaum kuj yuav muab kho dua tshiab, ntsig txog cov kev txwv thiab cov cai kom muab kev

**TSAB NTAWV TXIB (XAJ) NTAWM FEEM TSWJ XYUAS TXOJ CAI
NAB NPAWB 20-22
PHAB NTAWV 5**

kuaj ua ntej rau cov neeg tuaj saib hauv cov tsev kho mob thiab rau ntawm cov chaw phais mob sai sai, raws li cov kev nqis tes ua tau zoo dhau los, kom ntseeg tau tias muaj kev nyab xeeb rau cov neeg mob thiab cov neeg saib xyuas mob nkeeg, thiab txhawm rau pab txo kev sib kis tus kab mob COVID-19 kom mus tau qeeb. Cov lus taw qhia no yuav muaj nyob rau ntawm <https://govstatus.egov.com/OR-OHA-COVID-19>.

Ohov Tau rau ntawm Tsab Ntawv Txib (Xaj) Ntawm Feem Tswj Xyuas Txoj Cai Nab Npawb 20-10.

4. Tsab Ntawv Txib (Xaj) Ntawm Feem Tswj Xyuas Txoj Cai 20-10 (txuag cov khoom siv PPE) tau muab tshem thaum lub Tsib Hlis Tim 1, 2020, thiab muab cov lus kom ua uas nyob hauv Tsab Ntawv Txib (Xaj) Ntawm Feem Tswj Xyuas Txoj Cai no los hloov.

Kev Siv Txoj Cai

5. Tsab Ntawv Txib (Xaj) Ntawm Feem Tswj Xyuas Txoj Cai no yog ib txoj cai saib xyuas kev noj qab haus huv rau pej xeeb, uas raug sau tseg rau hauv txoj cai ORS 431A.005, thiab tej zaum yuav raug yuam siv raws li raug tso cai rau hauv txoj cai ORS 431A.010. Ntxiv rau qhov no, txhua tus neeg uas raug pom tias ua txhaum Tsab Ntawv Txib (Xaj) Ntawm Feem Tswj Xyuas Txoj Cai no yuav raug nplua nyiaj los yog rau lub txim raws li txoj cai ORS 401.990.
6. Tsab Ntawv Txib (Xaj) Ntawm Feem Tswj Xyuas Txoj Cai no raug tsim raws qhov muaj cai ntawm Tus Tswv Xeev los ntawm txoj cai ORS 401.165 mus txog 401.236. Yuav ua raws li txoj cai ORS 401.192(1), yuav tsum yuam siv cov ntaub ntawv hais tseg rau hauv Tsab Ntawv Txib (Xaj) Ntawm Feem Tswj Xyuas Txoj Cai no thiab siv tau rau txoj cai, thiab cov cai tam sim no, cov cai qub, cov cai kav thiab cov ntawv txib uas yog cov siv tsis tau rau yam ua tsis raws li cov lus qhia saib xyuas xwm txheej kub ntxhov ceev los ntawm Tus Tswv Xeev.

**TSAB NTAWV TXIB (XAJ) NTAWM FEEM TSWJ XYUAS TXOJ CAI
NAB NPAWB 20-22
PHAB NTAWV 6**

Tsab Ntawv Txib (Xaj) Ntawm Feem Tswj Xyuas Txoj Cai no siv tau kiag tam sim thiab tseem siv kom txog rau thaum Tus Tswv Xeev hais kom tso tseg.

Sau tiav nyob rau ntawm Salem, Oregon hnuv no yog hnuv tim 27 lub Plaub Hlis Ntuj, 2020.

Kate Brown
TUS TSWV XEEV

TUS UA POV THAWJ NROG KOS NPE:

Bev Clarno
KWS TUAU NTAUB NTAWV NTAWM
LUB XEEV

HMONG